



SAKSPAPIR

Saksnr	Utval	Type	Dato
05/2020	Formannskap/plan- og økonomiutvalet	PS	04.02.2020

Sakshandsamar	Arkiv	ArkivsakID
Tore Henrik Øye	FE-223	19/443

TILSKOT FRÅ VAKSDAL KOMMUNE SITT FOND FOR VILT, FISKE OG FRILUFTLIV I 2019

Vedlegg:

Søknad om tilskot til overvakings- og varslingssystem i fiskeanlegget til Ekso villfisk
Mysterfondet og Vaksdal kommune sitt fond for vilt, fiske og friluftsliv - Søknad
Myster30nov2019

Rådmannen sitt framlegg til vedtak:

I medhald av «Vedtekter for Vaksdal kommune sitt fond for vilt, fiske og friluftsliv» §§ 4 og 5, jf. § 1, vedtek Formannskapet/plan- og økonomiutvalet (fondsstyret) følgjande bruk av fondsmidlar for 2019:

- Inntil kr. 75 433,- i tilskot til Ekso Villfisk AS for innkjøp og montering av overvakings- og alarmsystem til føretaket sitt fiske-/kultiveringsanlegg på Flatekval i Eksingedalen.
Tildelinga er i tråd med søknaden, og utgjer 100 % av budsjettert/godkjend kostnad.
- Inntil kr. 30 000,- i tilskot til Øvre Eksingedalen grunneigarlag for reinsking av elvebotnen i Ekso som fiskefremjande tiltak i 2020 (fjerning av flotgras og krypsiv).
Tildelinga er i tråd med søknaden, og utgjer 100 % av tilskotet det vert søkt om (godkjend kostnad). Vilåret er at BKK nyttar minst kr. 300 000,- til tiltaket.

Løyvde tilskot vert betalt ut på bakgrunn av sluttrapportar med naudsynt dokumentasjon .

I tråd med § 5 fjerde ledd i fondsvedtektene, er arbeids- og rapporteringsfristen for tiltaka sett til 01.07.2021. Tilskota fell vekk etter dette.

Tildelte midlar som ikkje vert nytta i tråd med føremåla/vilkåra for tildelinga, kan trekkjast

attende, jf. § 5 fjerde ledd i vedtektene.

Formannskap/plan- og økonomiutvalet - Sak 05/2020

FPØ - Behandling:

Samrøystes vedtak

FPØ - Tilråding/Vedtak:

I medhald av «Vedtekter for Vaksdal kommune sitt fond for vilt, fiske og friluftsliv» §§ 4 og 5, jf. § 1, vedtek Formannskapet/plan- og økonomiutvalet (fondsstyret) følgjande bruk av fondsmidlar for 2019:

- Inntil kr. 75 433,- i tilskot til Ekso Villfisk AS for innkjøp og montering av overvakings- og alarmsystem til føretaket sitt fiske-/kultiveringsanlegg på Flatekval i Eksingedalen. Tildelinga er i tråd med søknaden, og utgjer 100 % av budsjetttert/godkjend kostnad.
- Inntil kr. 30 000,- i tilskot til Øvre Eksingedalen grunneigarlag for reinsking av elvebotnen i Ekso som fiskefremjande tiltak i 2020 (fjerning av flotgras og krypsiv). Tildelinga er i tråd med søknaden, og utgjer 100 % av tilskotet det vert søkt om (godkjend kostnad). Vilkåret er at BKK nyttar minst kr. 300 000,- til tiltaket.

Løyvde tilskot vert betalt ut på bakgrunn av sluttrapportar med naudsynt dokumentasjon .

I tråd med § 5 fjerde ledd i fondsvedtektene, er arbeids- og rapporteringsfristen for tiltaka sett til 01.07.2021. Tilskota fell vekk etter dette.

Tildelte midlar som ikkje vert nytta i tråd med føremåla/vilkåra for tildelinga, kan trekkjast attende, jf. § 5 fjerde ledd i vedtektene.

Saksopplysningar/bakgrunn for saka:

BRUK AV FONDET

Det kommunale fondet skal nyttast til å fremje vilt, fiske og friluftsliv i Vaksdal kommune, jf. § 2 i fondsvedtektene.

I følgje vedtektene § 4, utgjer Formannskapet/plan- og økonomiutvalet (FPØ) fondsstyret. Fondsstyret kan delegere vedtaksrett til administrasjonen.

Vedtektene § 5 seier at tildelinga av midlar må vere i tråd med fondsføremålet. Fondsmidlane skal vere til lokal bruk og nytte, med verdi for ålmenta.

KAPITAL/FRIE FONDSMIDLAR

I følgje vedtektene § 3, skal fondet ha ein grunnkapital (bunden kapital) på kr. 250 000,-.

Saldo ut over dette er frie fondsmidler. Saldoen per 01.01.20 er kr. 995 560,-. Dette gjev kr. 745 560,- i disponible midlar. Fondet får tilført kring kr. 57 000,- frå BKK kvart år.

SØKNADAR

Vaksdal kommune lyste ut midlar for 2019 i Vaksdalposten, i Avis Hordaland og på kommunen sine nettsider.

Det kom inn to søknadar innan søknadsfristen 01.12.19. Søknadane, med innhald, går fram av «Saksvurdering».

Formelt grunnlag:

- Vedtekter for Vaksdal kommune sitt fond for vilt, fiske og friluftsliv.

Saksvurdering:

SØKNAD FRÅ EKSO VILLFISK AS OM TILSKOT TIL OVERVAKINGS- OG ALARMSYSTEM

Ekso Villfisk AS, ved Bjarne Lavik og Rune Nesheim, søker om kr. 75 443,- eks mva, til innkjøp og installering av overvakings- og alarmsystem i fiske-/kultiveringsanlegget på Flatekval i Eksingedalen.

Bakgrunnen for søknaden er pålegg frå Mattilsynet om å etablere eit opplegg som førebyggjer at systemsvikt ikkje går ut over fisken si helse, jf. brev av 02.09.19. Sterner AS har i dette høve gjeve pristilbod på gjennomføring av tiltaket. Tilbodet er likt søknadsbeløpet.

Ekso Villfisk har gjennom snart 20 år drive omfattande kultivering og tilrettelegging for sport- og fritidsfisket etter innlandsfisk i Ekso, ovanfor lakseførande del (Flatekval - Trefall). Føretaket har i dette høve lagt ned ein stor innsats for å fremje fiskekvaliteten og fisketilbodet. Innsatsen har gjeve gode resultat, og interessa for å fiske i vassdraget har auka mykje etter at kultiveringsarbeidet starta opp.

I tillegg til tynningsfiske, er utsetting av lokalt innfanga og oppfôra fisk ein sentral del av kultiveringa. No er vidare drift knytt til vilkåret om nytt overvakings- og alarmsystem.

Føretaket driv i liten grad kommersiell verksemd, og har få eigne midlar å gjere seg nytte av. Søknaden om tilskot ligg innanfor fondsføremålet og intensjonen med midlane. Dette gjev grunnlag for å prioritere ei tildeling. Fondet har også midlar tilgjengeleg, og saldoen i dag ligg langt over bunden grunnkapital. Rådmannen meiner difor at det er økonomisk handlingsrom for å fullfinansiere tiltaket, med kr. 75 433,- om øvre grense.

SØKNAD FRÅ ØVRE EKSINGEDALEN GRUNNEIGARLAG OM TILSKOT TIL REINSKING AV ELVEBOTNEN I EKSO SOM FISKEFREMJANDE TILTAK

Øvre Eksingedalen grunneigarlag søker om kr. 30 000,- til reinsking av elvebotnen i Ekso for flotgras og krypsiv i 2020. Bakgrunnen for tiltaket er auka tilgroing i det regulerte vassdraget,

og BKK har i samband med dette gjennomført og finansiert klypping og fresing ved to tidlegare høve. Det er no planar om ny gjennomføring i regi av regulanten, som har sett av kr. 300 000,- til tiltaket. Grunneigarlaget søker i dette høve om finansiering frå det kommunale fondet, i tillegg til regulanten sine løyvde midlar. Dette for å kunne dekkje eit større område/areal. Nærare argumentasjon går fram av vedlagd søknad.

Rådmannen ser at tiltaket det vert søkt om midlar til, vil fremje høvet for å fiske i Ekso i ein periode etter klypping/fresing. Tiltaket vert soleis vurdert å liggje innanfor fondsføremålet.

Med bakgrunn i ulike, faglege rapportar og undersøkingar, oppfattar rådmannen reguleringa av Eksingedalsvassdraget, med redusert vassføring i Ekso, som hovudårsak til attgroinga. I dette høve vil det vere naturleg å knyte planlagd tiltak til regulanten sitt ansvar for å ivareta fiskeinteressene etter vassdragskonsesjonen – og soleis kostnadane med reinskinga.

I den samla vurderinga bør ei derimot ta med initiativet og argumentasjonen frå grunneigarlaget om å skaffe til veie midlar, i tillegg til BKK si løyving. Samstundes skal det nemnast at det nyskipa fagrådet for Ekso (ovanfor lakseførande del), peikar på trongen for reinsking av elvebotnen, sjølv om det vert vist til regulanten for kostnadsdekking.

NVE har ved fleire høve omtalt klypping/fresing av elvebotnen som tiltak mot flotgras og krypsiv. Ansaret for gjennomføring, slik vi oppfattar det i deira skriv, vert knytt opp mot vassdragskonsesjonen til BKK. Men NVE har òg vist til lokale fondsmidlar som mogeleg kjelde for delfinansiering.

Ut frå innhaldet i og karakteren til saken, vurderer rådmannen at tiltaket ligg på grensa av kva det kommunale fondet bør gje tilskot til. Men med bakgrunn i initiativet til grunneigarlaget, storleiken på søknadsbeløpet og fondet sin saldo, er framlegget å løyve kr. 30 000,- til planlagd tiltak.

Konklusjon:

Rådmannen innstiller på å tildele kr. 75 433,- i tilskot til Ekso Villfisk AS og kr. 30 000,- i tilskot til Øvre Eksingedalen grunneigarlag, til saman kr. 105 433,-, jf. saksutgreiing. Fondssaldoen etter tildeling vert kr. 890 127,-.